



Ministarstvo dijaspore

Br: 04/2-2-910/26-841/1

4. maj 2026. godine

Za: Arhiva Generalnog sekretarijata Vlade, Vlada Crne Gore

Predmet: Izvještaj radne posjete ministra dijaspore Mirsada Azemovića Kraljevini Nizozemskoj, 17-20. aprila 2026. godine

Destinacija: Utrecht, Kraljevina Nizozemska

Delegaciju predvodio: ministar dijaspore Mirsad Azemović

Članovi delegacije:

- 1) Ivan Ivanović, v.d. generalnog direktora Direktorata za kreiranje i realizaciju politika i programa.

Na poziv Udruženja Plavljana i Gusinjana „Behar“ u Kraljevini Nizozemskoj, povodom održavanja tradicionalne manifestacije „Plavsko-gusinjske večeri“, koja je održana 18. aprila u Utrechtu, delegacija Ministarstva dijaspore boravila je u radnoj posjeti Kraljevini Nizozemskoj od 17. do 20. aprila 2026. godine.

Tokom boravka, delegacija je prisustvovala manifestaciji, ali i održala niz susreta sa predstavnicima dijaspore. U razgovorima je poseban akcenat stavljen na jačanje saradnje između Ministarstva dijaspore i bošnjačke zajednice u Nizozemskoj, kao i na unapređenje kulturne i društvene povezanosti Crne Gore sa svojim iseljenicima.

Takođe, razmatrane su mogućnosti realizacije zajedničkih projekata, uz poseban osvrt na institucionalnu podršku udruženjima dijaspore, koja imaju značajnu ulogu u očuvanju identiteta, tradicije i veza sa matičnom državom.

Posjeta je ocijenjena kao veoma uspješna, jer je dodatno doprinijela jačanju veza sa dijasporom i afirmaciji identiteta Crne Gore u inostranstvu. U tom smislu, preporučuje se nastavak institucionalne podrške ovakvim manifestacijama, kao i redovno prisustvo predstavnika Ministarstva na sličnim događajima u zemljama u kojima živi značajan broj naših iseljenika.